



SOS Balkaneseko kideak atzoko agerraldian.

ANDER GILLENEA

SOS Balkanesek Stobreg laguntza proiektua bultzatuko du Kroazian

JOSE MARI PASTOR / DONOSTIA

Zazpi euskal bolondres Kroaziarantz irtengo dira asteburu honetan SOS Balkanesen Stobreg proiektuan parte hartzeko. Egitasmo honen bidez bosniar errefuxiatuen kanpamenduaren osasuna eta higieene egoera hobetuko dute eta «esperantza izpi bat» eman bertako iheslariari.

Gazteak, gehienak Errenteria eta Oiartzun aldeko intsumisoak, bi taldetan banaturik irtengo dira Jugoslavia ohira. Lau ostiralean abiatuko dira bertara eta gainontzekoak, larunbatean. SOS Balkanesek atzo Donostian emandako prentsurrekoan azaldu zuenez, Stobreg proiektuaren helburuak honako hauek dira: bertan bizi diren errefuxiatuak prestatzea euren etxetan edo beste leku batean bizimodu normala egitera joaten diren unera, errefuxiatu eremuaren egoera eta azpiegiturak hobetzea, auto-organizazioa indartzea eta harremanak bultzatzea.

Stobreg iheslariak hartzeko egokituriko kanpalekua da eta 700 bat lagun ditu bere esparruan. Egitasmo honekin bertan gerraren ondorioz pilatu den jendea prestatu eta haien morala jaso nahi dute SOS Balkaneseko kideek. «Beraien etorkizuna aldatu eta bizimodua hobetzeko gai direla sinestarazi nahi diegu errefuxiatuei», azaldu zuten talde honetako ordezkariak. Pertsona horien formakuntza osatzeko

zenbait ikastaro emango dituzte bolondresak, hala nola eskulangintza, elektrizitatea, iturgintza, etxegintza eta ingeles ikastaroak.

Hau lehendabiziko fasean izango litzateke. Hilabete pasa eta gero, taldeak autonomo bihurtuko dira eta errefuxiatuek zuzenduko dituzte. SOS Balkanesen Spliteko bulegotik laguntza materiala eskainiko zaie, baita sostengu ekonomikoa ere.

Talde humanitarioak eskualde horretan duen hirugarren proiektua da Stobreg. Duela zenbait hil, akordioa sinatu zuen SOS Balkanesek etxalde batean esnea ekoiztu eta banatzeko. Sei hilerako lortu zen hitzarmenaren ondorioz, 28.000 litro esne ematen zaizkie errefuxiatuei hilero.

LARUNBATEAN MANIFESTAZIOAK HIRIBURUETAN

Bigarren lana jangelan bat zabalzea izan da. Leku honetan 72 tona banatzen dira janaritan bi hilean behin. Zenbait kasutan Kroaziako agintariek oztupoak jarri dizkiete bolondresei eta azkenean nazioarteko erakunde humanitarioen bitartekaritza behar izan dute laguntza hori bideratu ahal izateko.

Sostengu kanpaina hauek baztertu gabe, SOS Balkanesek beste pauso bat eman nahi du gerra egoera salatzeko: mobilizazioak. Hau dela eta, gatazkaren kontrako manifestazioak egingo ditu larunbatean Hegoaldeko hiriburuetan.

Droga trafikoaz ohartaraziko du Askagintzak igandean Gasteizen

Elkarteak eratzen duen Bizirik Eguna ospatuko dute

Datorren igandean Bizirik Eguna izango da Gasteizen, Askagintzak antolatuta. Elkarrekin honetako droga trafikoaren atzean dagoenaz ohartarazi nahi du aurten, eta ildo horretan, azken hiru urteetan drogaren kontrako poliziburuak atxilotu edo karguz kendu dituztela nabarmendu du.

LUIS KARLOS GARCIA / GASTEIZ


Txus Congil Askagintzako eldunak atzo ekitaldien aurkezpenean gogora ekarri zuen droga trafikoaren salatzea drogamenpekotasunen aurka diharduen elkarrekin honen azkenaldiko kanpainako ekimen nagusia izan dela. Ildo horretatik, «Droga trafikoaren atzean, zer ote?» leloa jarri diote aurten seigarren aldiz jarraian eratuko den Bizirik Eguna.

Droga trafikoan «benetako erantzuleak» enpresariak eta poliziak badaudela deklaratu zuen, «baina ez enpresari eta poliziak guzti-guztiak», zehaztu zuen.

Datu esanguratsua aipatzeko, azken hiru urteetan droga trafikoaren aurka ari ziren Goardia Zibileko goi arduradunak atxilotu edo karguz kendu izan dituztela esan zuen.

Askagintzak iritziok epaitegiara eramanez eta salaketa bihurtu dituela informatu zuen. Halaber, elkarrekin honetako zenbait epailerekin harremanak dituela jakinarazi zuen. «Epaile asko droga trafikoaren auzian nahi duten bezala jardun ahal izateko ahalbiderik gabe dabilzala sumatu dugu», aipatu zuen Txus Congilek.

1988. urtean Bizirik Egunaren aurreneko edizioan erabili zuten txartela eta aurtengoa berdinak direla esan zuen, «nahiz eta sei urte pasatu egoera ez baita batere aldatu, hots, drogamenpekotasunen arrazoiak jo beharrean ondorioetara egiten dute».



Bizirik Eguna aurkeztu zuen atzo Gasteizen Askagintzak.

OLALDE

CUERDA EKITALDI OFIZIALEAN

Hori guztia dela eta, Bizirik Eguna «drogamenpekotasunari aurrea hartzeko eguna» izatea nahi dutela esan zuten Askagintzako bozeramaileek eta horretarako egitarau zabala prestatu dute iganderako. Ohizkoa izaten denez, Udaberria kanpainari dagokion ekitaldi nagusietako bat da Bizirik Eguna.

Ekitaldiak Gasteizko erdigu-

neko kaleetan egingo dira. Goizeko 10etan hasiko dira txupinazoa botaz eta txalaparta eta albokaren musikaz. Ondoren, herri krosa, Kukubiltxoren kaleko antzerkia, haurrentzako festa, herri kirolak, kalejirak, herri bazkaria eta abar, iluntzera arte.

Arratsaldeko ordu bietan ekitaldi ofiziala izango da eta bertan Jose Angel Cuerda Gasteizko alkateak hartuko du parte.

Aurretik egin delituagatik kartzelan sartu dute sendatutako toxikomano bat

MIKEL MENDIZABAL / IRUÑEA

Nafarroako Gizakia Helburu elkarrekin prentsurreko bat eman zuen Iruñean duen egoitzan, bertako partaide baten egoeraren berri emateko. Jose Carlos Montosa Sanchez atzo espetxeratu zuten 1988. urtean, toxikomanoa zenean, egin zuen delitu batengatik. Iruñeko Entzutegi Probintzialak lau urte, bi hil eta egun bateko kartzela zigorra ezarri zion, entzutegiak berak Espainiako Justizia Ministerioari indultua eskatu bazion ere, zigorra urtebetean uzteko. Justizia Ministerioak, modu partzial batean, Gizakia Helburukoek atzo salatu zuten, ez zuen etsi eta bi aldiz

jarraian ukatu egin zion indultua.

Montosa Sanchez, 29 urtekoa, 1990eko abuztuan sartu zen Gizakia Helburu elkartean, hamasei urte zituenetik pairatzen zuen toxikomania sendatzeko. Dagoeneko sendatze fase guztiak gaindituak ditu. Atzo arte Ilundaineko Haritz Berri borda-eskolan lanean ari zen, hala nola, droga eta HIESari buruzko deba- teetan parte hartzen.

Gizakia Helburukoek beren haserre bizia azaldu zuten, «erabaki tamalgarri hauek ez dutelako drogaren eta delinkuentziaren arazoa gainditzeko laguntzen, eta kartzelan dauden toxikomanoen bergizarteratze prozesua trabatu egiten dutelako», esan zuten.

HILDAKOAK

BIZKAIA

- BILBO Jose Antonio Garcia Fernandez, Lucila Paino Ramos, Fernando Zamorano Serrano, 65 urte. Domingo Flores Cano, 59 urte. Lucia Ortiz de Guzman Larrea, 66 urte.
- ABADIÑO Dionisio Uribe-Etxebarria Arkauz, 69 urte.
- BARAKALDO Manuel Almanza Crespo, 28 urte.
- BERMEO Jose Ignacio Etxabe Otazua, 60 urte.
- DURANGO Roman Ruiz Itxaso, 80 urte.
- GETXO Juan Luis Gonzalez Uriarte, 48 urte.
- PORTUGALETE Leandro de la Fuente Zabala, 79 urte.
- SANTURTZI Avelino Barcena Lopez, 80 urte.
- SESTAO Sotero Martinez de Lagos Moraza, 82 urte.

GIPUZKOA

- DONOSTIA Alfredo Fuentes Rodrigo, 57 urte. Enrique Guilaite Manero, 67 urte.
- ANDOAIN Jose Vicente Langara Inziarte, 80 urte.

- ATAUN Miguel Arruabarrena Etxebarria, 75 urte.
- AZKOITIA Jose Perez Montecelo, 55 urte.
- BEASAIN Juana Goenaga Aristi, 94 urte.
- BERGARA Francisco Viguera Andres, 82 urte.
- DEBA Juan Jose Lizarraburu Aristondo, 75 urte.
- ERRETERIA Juan Gustin Garcia Campal, 75 urte.
- HERNANI Antonia Isasa Elormendi, 92 urte.
- IRUN Antonia Larzabal Sagastume, 91 urte.
- MUTRIKU Luis Romero Alonso, 74 urte.
- ORDIZIA Ignacio Korta Urrestarazu.
- URNIETA Juana Loinaz Jauregi, 82 urte.
- ZARAUZT Celestina Urteaga Arratibel, 78 urte.
- ZUMAIA Manolita Sanchez Aperribal, 68 urte.

LAPURDI

- BAIONA Albert Cassin. Michel Irazabal, 47 urte.
- AZKAINA Anita Aramendi Mestelan, 80 urte.

- BARDOZE Jean Pierre Legarto, 70 urte.
- DONIBANE LOHIZUNE Antoine Barbarra, 81 urte.
- GIXUNE Laurence Bernatets Houdille, 87 urte.
- MILAFRANGA Andre Vivier, 63 urte.

NAFARROA

- IRUÑEA Manolo Eransus Monreal. Ascensio Ulaia Arin, 90 urte. Jose Luis Ciriaco Olza, 64 urte. Clementina Redin Garcia, 94 urte. Alejandra Mendia Larunbe. Pablo Azpilikueta Aierbe, 44 urte. Andres Fernandez Urzaiz, 93 urte.
- FALTZES Carmen Zarraluki Diez, 92 urte.
- ITZALTU Maria Jesus Eder Izal, 71 urte.
- LAKUNTZA Fied Legarra Galar, 61 urte.
- LIZARRA Modesto Crespo Fernandez, 68 urte.
- OBANOS Txaro Osakar Arraiza, 38 urte.
- SESMA Asuncion Esteban Etaio, 89 urte.

NAFARROA-BEHEREA

- UREPELE Catherine Bidart Igoa, 90 urte.

ESKELAK

ESKELAK HARTZEN DIRA:

ARRATSALDEKO

4ak ARTE: (943) 46 90 22

4etatik 7etara: (943) 37 15 45